

სახელმწიფო შესყიდვის შესახებ
ხელშეკრულება #6

ასპინძა

1 მარტი. 2021 წელი

ერთის მხრივ ა(ა)იპ (შემდგომში წოდებული, როგორც „შემსყიდველი“) სკოლამდელი აღზრდის დაწესებულებათა გაერთიანების დირექტორის მოვალეობის შემსრულებლის მ.სანდოძის სახით (ასპინძა მეფე თამარის ქ #3) სახით და მეორეს მხრივ, შპს ცოტნე დეველოპმენტის (ქ.ახალციხე.ნიკოლაძის ქ.39),სახით- (შემდგომში „მიმწოდებელი“) ვხელმძღვანელობთ რა, სახელმწიფო შესყიდვების კანონმდებლობისა და მიმწოდებლის სატენდერო წინადადების საფუძველზე, CPV კოდი03200000- (ა.ი.პ. ასპინძის სკოლამდელი აღზრდის დაწესებულების აღსაზრდელოათვის პროდუქტით მომარაგება, გათვლილია 400 აღსაზრდელზე) აუქციონის გარეშე გამოცხადებული **NAT210002585**ელექტრონული ტენდერის ჩატარებისა, ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება:

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომელზეც ხელშეკრულებაში არის მინიშნებები
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“. „კვირა“, „თვე“-კალენდარული დღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დავალება“ აუქციონის გარეშე გამოცხადებული **NAT210002585 ელექტრონული ტენდერის** სატენდერო დოკუმენტაციის ტექნიკური დავალება.
- 1.8 „ტექნიკური დოკუმენტაცია“-მიმწოდებლის მიერ აუქციონის გარეშე გამოცხადებული **NAT210002585** ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი:

2.1 კვების პროდუქტების შესყიდვა. მიმწოდებლის მიერ ელ.სისტემაში ატვირთული ფასების ცხრილის შესაბამისად .კლასიფიკატორის კოდი CPV03200000

3. ხელშეკრულების ღირებულება:

- 3.1 ხელშეკრულების ჯამური ღირებულება შეადგენს 5805.00(ხუთიათასრვაასხუთი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული ვალდებულების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები:

- 4.1 მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება განხორციელდება ხელშეკრულებით გათვალისწინებული ვალდებულების შესრულების დამადასტურებელი შესაბამისი მიღება-ჩაბარების აქტის, შესაბამისი საგადასახადო ანგარიშ-ფაქტურის (სასაქონლო ზედდებული), ანგარიშსწორებისათვის საჭირო დოკუმენტაციის წარმოდგენის საფუძველზე 10 სამუშაო დღის განმავლობაში.
- 4.3 წინასწარი ანგარიშსწორება არ განიხილება.

5. მიღება-ჩაბარების წესი:

- 5.1 ხელშეკრულებით ნაკისრი ვალდებულების (ეტაპობრივად) შესრულების შემდეგ მიმწოდებელი შემსყიდველს წარუდგენს მიღება-ჩაბარების აქტს.
- 5.2 საქონლის მიღება განხორციელდება ეტაპობრივად შესაბამისი მიწოდებული საქონლის დამადასტურებელი მიღება-ჩაბარების აქტის ხელმოწერის დღიდან.
- 5.3 შემსყიდველის მხრიდან მიღება-ჩაბარების აქტის ხელმოწერაზე უფელამოსილია შესაბამისი საბავშვო ბაღის მენეჯერი.მნე და ექთანი.
- 5.4 მიღება-ჩაბარების აქტში მითითებული უნდა იყოს:
- „მიმწოდებლის“ მიერ შესრულებული ვალდებულების დასახელება;
 - „მიმწოდებლის“ მიერ შესრულებული ვალდებულების ღირებულება;
 - „მიმწოდებლის“ მიერ შესრულებული ვალდებულების აღწერა.

6. საქონლის მიწოდების ვადა და ადგილი:

- 6.1 საქონლის მიწოდების ვადაა ხელშეკრულების გაფორმებიდან 2021 წლის 30 ივლისის ჩათვლით.
- 6.2 საქონლის მიწოდების ადგილები:
1. ასპინძის #1 საბავშვო ბაღი; სააკადის ქ.#1
 2. ასპინძის #2 საბავშვო ბაღი; ერისთავის ქ #2
 3. სოფ.რუსთავის საბავშვო ბაღი;
 - 4.სოფ.ტოლოშის საბავშვო ბაღი;

7. მხარეთა უფლება-მოვალეობანი:

- 7.1 შემსყიდველი უფლებამოსილია:
- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - ბ) საქონლის სრულ და ჯეროვნად მიწოდებამდე გამოითხოვოს მიმწოდებლისაგან მისთვის საჭირო დოკუმენტი.
- 7.2 შემსყიდველი ვალდებულია:
- ა) უზრუნველყოს მიმწოდებლის მიერ შესრულებული ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3 მიმწოდებელი უფლებამოსილია მოსთხოვოს შემსყიდველს შესრულებული ვალდებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4 მიმწოდებელი ვალდებულია:
- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით, იმ ვადაში, რომელიც მითითებულია ხელშეკრულების 6.1. პუნქტში;
 - ბ) უზრუნველყოს ხელშეკრულებით ნაკისრი ვალდებულების შესრულება ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება:

- 8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შესაბამისი საბავშვო ბაღის მენეჯერი, მწე, ექთანი, ინსპექტირების ჯგუფი;
- 8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე „მიმწოდებლის“ მიერ ხელშეკრულებით ნაკისრი ვალდებულების ხარისხის კონტროლს.
- 8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის:

- 9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე სახელშეკრულებო ღირებულების 0,02% -ის ოდენობით.
- 9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან .
- 9.4 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისთვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 5(ხუთი)%-ის ოდენობით. მოთხოვნიდან არაუგვიანეს 30(ოცდაათი) კალენდარული დღისა.

10. ხელშეკრულებაში ცვლილებების შეტანა და ხელშეკრულების შეწყვეტა:

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4 ხელშეკრულების ერთ-ერთი მხარის მიერ ხელშეკრულების პირობების შეურულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა:

- 11.1 მხარეები თავისფლდებიან ხელშეკრულებით განსაზღვრული ვალდებულებების შეუსრულებლობით გაწეული პასუხისმგებლობისაგან, თუ აღნიშნული გამოწვეულია დაუძლეველი

ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი:

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა:

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2021 წლის 30 აგვისტოს ჩათვლით.

„შემსყიდველი“
არასამეწარმეო იურიდიული პირი, ასპინძის
სკოლამდელი აღზრდის დაწესებულებათა
გაერთიანების” დირექტორის მოვალეობის
შემწრუბელი -

მ.სანდოძე

ასპინძა.მეფე თამარის ქ.#3

ბანკის კოდი: TRESGE22

ს/კ 223105173

GE24NB0330100200165022

„მიმწოდებელი“

შპს ცოტნე დეველოპმენტი

ქ.ახალციხე

ნიკოლაძის ქ.39

ს.ს. საქართველოს ბანკი

ბანკის კოდი: BAGAGE22

GE94BG0000000345941373

ს/კ 424254808
